

四庫全書薈要

• 乾隆御覽本

史部

欽定四庫全書薈要

史部

山海經卷六
十八

詳校官編修巨擘



山海經卷六

晉 郭璞 註

海外南經

東

所載六合之間

四方上下為六合也

四海之內照之以日月

經之以星辰紀之以四時要之以太歲神靈所生其物

異形或夭或壽唯聖人能通其道

言自非窮理盡性者則不能原極其情變

海外自西南陬至東南陬者

陬猶隅也音騶

結匈國在其西南其為人結匈

臆前肢出人結喉也

南山在其

東南自此山來蟲為蛇蛇號為魚

以蟲為蛇以蛇為魚

一曰南山

在結匈東南比翼鳥在其東其為鳥青赤

似鳥

比翼

一曰在南山東

羽民國在其東南其為人長頭身生羽

能飛不能遠卵生畫似仙人也

一曰在比翼鳥東南其為人長頰

啟筮曰羽民之狀鳥喙赤目而白首

有

神人二八連臂為帝司夜於此野

晝隱見夜

在羽民東其為

人小頰赤肩

當膊上正赤也

盡十六人

疑此後人所增蓋語耳

畢方鳥在其東青水西其為鳥人面一脚一曰在二八神東

謹頭國在其南其為人面有翼鳥喙方捕魚

謹堯堯臣有罪

自投南海而死帝憐之使其子居南海而祠之畫亦似仙人也

一曰在畢方東或曰謹

朱國

厭火國在其國南獸身黑色生火出其口中

言能吐火畫似獼猴

而黑色也一曰在謹朱東

三株樹在厭火北生赤水上其為樹如栢葉皆為珠一

曰其為樹若彗

如彗星狀

三苗國在赤水東其為人相隨

昔堯以天下讓舜三苗之君非之帝殺之有苗

之民叛入南海為三苗國 一曰三毛國

載國在其東

音秩亦音替

其為人黃能操弓射蛇

大荒經云此國自然

有五穀衣服 一曰載國在三毛東

貫匈國在其東其為人匈有竅

尸子曰四夷之民有貫匈者有深目者有長肱

者黃帝之德常致之異物志曰穿匈之國 一曰在載國去其衣則無自然者蓋似效此貫匈人也

東

交脛國在其東其為人交脛

言脚脛曲戾相交所謂雕題交趾者也或作頸其為

人交頸而行也

一曰在穿匈東

不死民在其東其為人黑色壽不死

有員丘山上有不死樹食之乃壽亦

有赤泉飲之不老

一曰在穿匈國東

岐舌國在其東

其人舌皆岐或云支舌也

一曰在不死民東

崑崙墟在其東墟四方

墟山下基也

一曰在岐舌東為墟四

方羿與鑿齒戰於壽華之野羿射殺之在崑崙墟東羿

持弓矢鑿齒持盾

鑿齒亦人也齒如鑿長五六尺因以名云一曰戈

詳未

三首國在其東其為人一身三首一曰在鑿齒東

周饒國在其東其為人短小冠帶

其人長三尺穴居能為機巧有五穀也

一曰焦僥國在三首東

外傳云焦僥民長三尺短之至也詩含神露曰從中州以東西

四十萬里得焦僥國人長尺五寸也

長臂國在其東捕魚水中兩手各操一魚

舊說云其人手下垂至地

魏黃初中玄菟太守王頎討高句麗王宮窮追之過沃沮國其東界臨大海近日之所出問其耆老海東復有人否云常在海中得一布褶身如中人衣兩袖長三尺即此長臂人衣也一曰在焦僥東捕

魚海中

狄山帝堯葬于陽

呂氏春秋曰堯葬穀林今陽城縣西東阿縣城次鄉中諸陽縣相亭南皆

有堯帝嚳葬于陰

嚳堯父號高辛今豕在頓丘縣城南臺陰野中也音酷

爰有熊

羆文虎

彫虎也尸子曰中黃伯余左

執大行之獲而右搏彫虎也

雌豹

雌獼猴類

離朱

木名

也見莊子今

視肉

聚肉形如牛肝有兩目也食之無盡尋復更生如故

吁咽

所未詳也

文王皆葬其所

今文王墓在長安鄠聚社中按帝王冢墓皆有定處而山海經往往復見之者

蓋以聖人久於其位仁化廣及思洽鳥獸至於殂亡四海若喪考妣無思不哀故絕域殊俗之人聞天子崩各自立坐而祭臨哭泣起土為冢是以所在有焉亦猶漢氏諸遠郡國皆有天子廟此其遺象也

一曰湯山一曰爰有熊羆文虎雌豹離朱鵠久

鵠久鵠鵠之屬

視肉庠交

所未詳也

其范林方三百里

言林水汜濫布衍也

山海經卷六

山海經卷七

晉 郭璞 註

海外西經

海外自西南陬至西北陬者

滅蒙鳥在結匈國北為鳥青赤尾

大運山高三百仞在滅蒙鳥北

大樂之野夏后啟于此儻九代

九代馬名儻謂
盤作之令舞也

乘兩龍

雲蓋三層

層猶重也

左手操翳

羽葆幢也

右手操環

玉空邊等為環

佩玉

璜

中壁曰璜

在大運山北

歸藏鄭母經曰夏后歲筮御飛龍登于天吉明啟亦仙也

一曰

大遺之野

大荒經云大穆之野

三身國在夏后啟北一首而三身

一臂國在其北一臂一目一鼻孔有黃馬虎文一目而

一手

奇肱之國

肱或作弘奇音羈

在其北其人一臂三目有陰有陽

乘文馬

陰在上陽在下文馬即吉良也

有鳥馬兩頭赤黃色在其旁

其人

善為機巧以取百禽能作飛車從風速行湯時得之于豫州界中即壞之不以示人後十年西風至復作造之形天與帝至此爭神帝斷其首葬之常羊之山乃以乳為目以臍為口操干戚以舞

干盾戚斧也是為無首之民

女祭女戚在其北居兩水間戚操魚鮪

鱣魚屬

祭操俎

凡肉

鴛鳥鴈鳥

次鴈兩音

其色青黃所經國亡

此應禍之鳥即在今泉鵠鴈之類

女祭北鴛鳥人面居山上一曰維鳥青鳥黃鳥所集

丈夫國在維鳥北其為人衣冠帶劍

殷帝太戊使王孟採藥從西王母至

此絕糧不能進食木實衣木皮終身無妻而生二子從形中出其父即死是為丈夫民

女丑之尸生而十日災殺之在大夫北以右手輒其面

蔽十日居上女丑居山之上

巫咸國在女丑北右手操青蛇左手操赤蛇在登葆山

羣巫所從上下也

採藥往來

并封在巫咸東其狀如彘前後皆有黑首

今弩彘蛇亦此類也

女子國在巫咸北兩女子居水周之

有黃池婦人入浴出即懷妊矣若生

男子三歲輒死周猶繞也

離騷曰水周于堂下也 一曰居一門中

軒轅之國在此窮山之際其不壽者八百歲

其國在山南邊也大

荒經曰岷山之南

在女子國北人面蛇身尾交首上窮山在其

北不敢西射畏軒轅之丘

言敬畏皇帝威靈故不敢向西而射也

在軒轅

國北其丘方四蛇相繞

緣繞

此諸天之野

妖

鸞鳥自

歌鳳鳥自舞鳳皇卵民食之甘露民飲之所欲自從也

言滋味無所不有所願得自在此謂天野也

百獸相與羣居在四蛇北其人

兩手操卵食之兩鳥居前導之

龍魚陵居在其北狀如狸

或曰龍魚似狸一角

一曰鰕

音遐

即有神

聖乘此以行九野

九域之野

一曰鼈魚

鼈音惡橫也

在天野北其

白民之國在龍魚北白身被髮

言其人體洞白

有乘黃其狀如

狐其背上有角乘之壽二千歲

周書曰白民乘黃似狐背上有兩角即飛黃也

淮南子曰天下有遺飛黃伏皂

肅慎之國在白民北有樹名曰雄

或作雄

常先入代帝於

此取之

其俗無衣服中國有聖帝代立者則此木生皮可衣也

長股之國在雄常北被髮

國在赤水東也長臂人身如中人而臂長二丈以類推之

則此人脚過三丈矣黃帝時至或曰長脚人常負長臂人入海中捕魚也

一曰長脚

或曰有

後家喬人益象此身

西方蓐收左耳有蛇乘兩龍

金神也人面虎爪
白毛執鉞見外傳

山海經卷七

山海經卷八

晉郭璞註

海外北經

海外自東北陬至西北陬者

無胥國者

音啟或作榮

在長股東為人無胥

胥肥腸也其人穴居食土無男

女死即埋之其心不朽死百廿歲乃復更生

鍾山之神名曰燭陰

燭龍也是燭九陰因名云

視為晝暝為夜吹為

冬呼為夏不飲不食不息息為風

息氣也

身長千里在無

脊之東其為物人面蛇身赤色居鍾山下

淮南子曰龍身一足

一目國在其東一目中其面而居一曰有手足

柔利國在一目東為人一手一足反膝曲足居上

一手一脚

反卷曲也一云留利之國人足反折

共工之臣曰相柳氏

共工霸九州者

九首以食于九山

頭各自食一山

之物言貪

相柳之所抵厥為澤谿

抵觸厥掘也音掘

禹殺相柳

其血腥不可以樹五穀種禹厥之三仞三沮

掘塞之而土三沮陷

言其血膏
浸潤坡地

乃以為衆帝之臺

言地潤濕唯可
積土以為臺觀

在崑崙之

北

此崑崙山
在海外者

柔利之東相柳者九首人面蛇身而青不

敢北射畏共工之臺臺在其東臺四方隅有一蛇虎色

首衝南方

衝猶
向也

深目國在其東為人舉一手十目

一作
日

在共工臺東

無腸之國在深目東

一作
南

其為人長而無腸

為人長大
腹內無腸

所食之物
直通過

聶耳之國在無腸國東使兩文虎為人兩手聶具耳

言
耳

長行則以手攝持之也音諾類反

縣居海水中

縣猶邑也

及水所出入奇物

言盡規有之

兩虎在其東

夸父與日逐走入日

言及日于將入也逐音肖

渴欲得飲飲于河渭

河渭不足北飲大澤未至道渴而死棄其杖化為鄧林

夸父者蓋神人之名也其能及日景而傾河渭豈以走飲哉寄用于走飲耳幾乎不疾而速不行而至者矣此以一體為萬殊存亡代謝寄鄧林而遂形惡得乎其變化哉

博父國在聶耳東其為人大右手操青蛇左手操黃蛇鄧林在其東二樹木一曰博父禹所積石之山在其東

河水所入

河出崑崙而潛行地下至蔥嶺復出注鹽澤從鹽澤復行南出于此山而為中國河遂注

海也書曰導河積石言時有壅塞故導利以通之

狗纓之國在其東一手把纓

言其入常以一手持冠一纓也或曰纓宜作縵

曰利纓之國尋木長千里在拘纓南生河上西北

跂踵國

跂音企

在拘纓東其為人大兩足亦大

具人行脚跟不着地

也孝經鈞命訣曰焦僂跂踵重譯款塞也

一曰大踵

歐絲之野在大踵東一女子跪據樹歐絲

言嗽桑而吐絲蓋蠶類也

三桑無枝在歐絲東其木長百仞無枝

言皆長百仞也

范林方三百里在三桑東洲環其下

洲水中可居者環繞也

務隅之山帝顓頊葬于陽

顓頊號為高陽冢今在濮陽故帝丘也一曰項丘縣城門

外廣陽里中

九嬪葬于陰

嬪婦

一曰爰有熊羆文虎離朱鷁久

視肉

平丘在三桑東爰有遺玉

遺玉玉石

青鳥視肉楊柳甘祖

具樹

枝幹皆赤黃華白葉黑實呂氏春秋曰具山之東有甘祖焉音如祖梨之祖

甘華

亦赤枝幹黃華

百

果所生有兩山夾上谷二大丘居中名曰平丘

北海內有獸其狀如馬名曰駒騊

陶塗兩音見爾雅

有獸焉其

名曰駮狀如白馬鋸牙食虎豹

周書曰義渠戎白駮白若白馬鋸牙食虎豹按

此二說與爾雅同

有素獸焉狀如馬名曰蛩蛩

即蛩蛩鉅虛也一走百里見穆

天子傳音印

有青獸焉狀如虎名曰羅羅

北方禺彊人面鳥身珥兩青蛇踐兩青蛇

字玄冥水神也莊周曰禺

彊立于北極一曰禺京一本云北方禺彊黑身手足乘兩龍

山海經卷八

山海經卷九

晉郭璞註

海外東經

海外自東南陬至東北陬者

騶丘

音嗟或作髮

爰有遺玉青馬視肉楊柳甘柎甘華甘果

所生在東海兩山夾丘上有樹木一曰嗟丘一曰百果

所在在堯葬東

大人國在其北為人大坐而削船一曰在騃丘北

奢比之尸在其北

亦神名也

獸身人面大耳珥兩青蛇

珥以蛇貫

耳也音鈞
釧之餌

一曰肝榆之尸在太人北

君子國在其北衣冠帶劍食獸使二大虎在旁其人好

讓不爭有薰

或作董

華草朝生夕死一曰在肝榆之尸北

重重在其北

音虹

各有兩首

虹螭也

一曰在君子國北

朝陽之谷神曰天吳是為水伯在重重北兩水間其為

獸也八首人面八足八尾皆青黃

大荒東經
作十尾

青丘國在其北

其人食五穀衣絲帛

其狐四足九尾一曰在朝陽

北

汲冢竹書曰栢子征于東海及王青得一狐九尾即此類也

帝命豎亥步自東極至于西極五億十選

豎亥健行人選萬也

九

千八百步豎亥右手把算左手指青丘北一曰禹令豎

亥一曰五億十萬九千八百步

詩含神霧曰天地東西二億三萬三千里南北

二億一千五百里天地相去一億五萬里

黑齒國在其北

東夷傳曰倭國東四十餘里有裸國裸國東南有黑齒國船行一年可至也異

物志云西屠菴齒亦以故此人

為人黑食稻啖蛇一赤一青一作一青蛇在

其旁一曰在豎亥北為人黑首食稻使蛇具一蛇赤下

有湯谷

谷中水熱也

湯谷上有扶桑

扶桑木也

十日所浴在黑齒

北居水中有大木九日居下枝一日居上枝

莊周云昔者十日並

出草木焦枯淮南子亦云堯乃令羿射十日中其九日
日中鳥盡死離騷所謂羿焉畢日烏焉落羽者也歸藏
鄭母經云昔者羿善射畢十日果畢之汲郡竹書曰
甲申即位居西河有妖孳十日並出明此自然之異有自
來矣傳曰天有十日之數十北云九日居下枝一日
居上枝大荒經又云一日方至一日方出明天地雖有
十日自使以次第迭出運照而今俱見為天下妖災故
羿與堯之命洞其靈誠即天控弦而九日潛匿也假令
器用可以激水烈火精感可以降霜回景然則羿之殲
明離而堯陽烏未足為難也若搜之常情則無理矣然

推之以數則無往不通達觀之客宜領其
元致歸之冥會則逸義無滯言奇不廢矣
雨師妾在其

北

雨師謂屏翳也

其為人黑兩手各操一蛇左耳有青蛇右耳

有赤蛇一曰在十日北為人黑身人面各操一龜

玄股之國在其北

解以下盡黑故云

其為人衣魚

以魚皮為衣也

食驅

驅水鳥也音憂

使兩鳥夾之一曰在雨師妾北

毛民之國在其北為人身生毛

今去臨海郡東南二千里有毛人在大海洲島

上為人短小面體盡有毛如猪能穴居無衣服晉永嘉四年吳郡司鹽都尉戴逢在海邊得一船上有男女四人狀皆如此言語不通送詣丞相府未至道死唯有一人在上賜之婦生子出入市井漸曉人語自說其所在

是毛民也大荒經云
毛民食黍者是矣

一曰在玄股北

勞民國在其北其為人黑

食果草實也有一鳥兩頭

或曰教民一曰

在毛民北為人面目手足盡黑

東方勾芒鳥身人面乘兩龍

木神也方而素服墨子曰昔秦穆公有明德上帝使

勾芒賜之壽十九年

山海經卷九

山海經卷十

晉 郭璞 註

海內南經

海內東南陬以西者

從南頭起之也

甌居海中

今臨海司寧縣即東甌在岐海中也音嘔

閩在海中

音是

其西北有

山

閩越即西甌今建安郡是也亦在岐海中

一曰閩中山在海中

三天子鄩山

音章

在閩西海北

今在新安歙縣東

今謂之三王山浙江出其邊也張

氏土地記曰東陽永康縣南四里有石城山一曰在海
上有小石城云黃帝曾遊此即三天子都也

中

桂林八樹在番禺東

八樹而成林言其大也番禺今番禺縣

伯慮國

未詳

離耳國

鉤離其耳分今下垂以為飾即僊耳也在朱崖海渚中不食五穀但吸蚌

及諸

彫題國

點涅其面蓋體為鱗采即鰲人也

北胸國

音舛未詳

皆在鬱水

南鬱水出湘陵南海一曰相慮

泉陽國在北胸之西其為人人面長唇黑身有毛反踵

見人笑亦笑左手操管

周書曰州靡髻髻者人身反踵自笑笑則上唇掩其面爾雅云

騁髯大傳曰周書成王時州靡國獻之海內經謂之贛
巨人今交州南康郡深山中皆有此物也長大許脚跟
反向健走被髮好笑雌者能作汁酒中人即病土俗呼
為山都南康今有贛水以有此人因以名水猶大荒說
地有域人人因號其
山為域山亦此類也

兕在舜葬東湘水南其狀如牛蒼黑一角

蒼梧之山帝舜葬于陽

即九疑山也禮記亦曰舜葬蒼梧之野

帝丹朱葬

于陰

今丹陽復有丹朱冢也竹書亦曰后稷放帝朱于丹水與此義符丹朱稱帝者猶漢山陽公死加獻

謚也

汜林方三百里在狴狴東

或作狴狴字同耳

狴狴知人名

其為獸如豕而人面

周書曰鄭郭狴狴者狀如黃狗而人面頭如雄雞食之不昧今交州

封溪出狴狴土俗人說云狀如
豚而腹似狗聲如小兒啼也

在舜葬西狴狴西北有

犀牛其狀如牛而黑

犀牛似水牛豬頭在狴狴
知人名之西北庫脚三角

夏后啟之臣曰孟涂是司神于巴人

聽其獄訟請訟于
為之神主

孟涂之所

之令斷也

其衣有血者乃食之

不直者則
血見于衣

是請生

言好
生也

居山上在丹山西丹山在丹陽南丹陽居屬也

今建

平郡丹陽城秣歸縣東
七里即孟涂所居也

窠窠龍首居弱水中在狴狴知人名之西其狀如龍首

食人

窠窠本蛇身人面為貳負
臣所殺復化而成此物也

有木其狀如牛

河圖玉
版說芝

草樹生或如車馬或如龍蛇之狀亦此類也引之有皮若纓黃蛇言牽之皮利如人冠

纓及黃其葉如羅如絞羅也其實如藥藥木名或作卵或作麻黃本赤枝青葉生

雲雨山其木若藍藍亦木名未詳其名曰建木在窳窳西弱水音樂

上建木青葉紫莖黑花黃實其下聲無響立無影也

氏人國音觸抵之抵在建木西其為人人面而魚身無足盡

以上人宵以下魚也

巴蛇食象三歲而出其骨君子服之無心腹之疾今南

蛇吞虎鹿已爛自絞于樹腹中骨皆穿鱗甲間出此其類也楚詞曰有蛇吞象厥大何如說者云長千尋其

為蛇青黃赤黑一曰黑蛇青首在犀牛西

旄馬其狀如馬四節有毛

穆天子傳所謂毫馬者亦有旄牛

在巴蛇西

北高山南

匈奴一曰倭開題之國

音提

列人之國並在西北

三國並在旄馬西北

山海經卷十

山海經卷十一

海內西經

晉 郭璞 註

海內西南陬以北者

貳負之臣曰危危與貳負殺窳窳帝乃梏之疏屬之山

梏猶繫縛也古沃切

桎其右足

桎械也

反縛兩手與髮

并髮合縛之也

繫之

山上木在開題西北

漢宣帝使人上郡發磐石石室中得一人跣裸被髮反縛械一足以

問羣臣莫能知劉子政按此言對之宣帝大驚於是時人爭學山海經矣論者多以為是其尸象非真體也意者以靈怪變化論難以理測物稟異氣出于不然不可以常運推不可以近數揆矣魏時有人發故周王冢者得殉女子不死不生數日時有氣數月而能語狀如甘許人送詣京師郭太后愛養之恒在左右十餘年太后崩此女哀思哭泣一年餘而死即此類也

大澤方百里羣鳥所生及所解

百鳥於此生乳解之毛羽

在鴈門北

鴈門山鴈出其間在高柳北

高柳在代北

后稷之葬山水環之

在廣都之野

在氐國西

流黃鄧氏之國中方三百里

言國城內

有塗四方

塗道

中有山

在后稷葬西

流沙出鍾山西行又南行崑崙之墟西南入海黑水之

山

今西海居延澤尚書所謂流沙者形如月生五日也

東胡在大澤東

夷人在東胡東

貊國在漢水東北

今扶餘國即濊貊故地在長城北去玄菟千里出名馬赤玉貂皮大珠如

酸棗也地近于燕滅之

孟鳥

亦鳥名也

在貊國東北其鳥文赤黃青東鄉

海內崑崙之墟在西北

言海內者明海外復有崑崙山

帝之下都崑崙

之墟方八百里高萬仞

皆謂其墟基廣輪之高庫耳自

泉華池去嵩高五萬里蓋天地之中也見禹本紀

上有木禾長五尋大五圍

禾木

穀類也生黑水之阿可食見穆天子傳

面有九井以玉為檻

檻檻

面有九門

門有開明獸守之百神所在在八隅之巖

在巖間也

赤水

之際非仁羿莫能上岡之巖

言非仁人及有才藝如羿者不能得登此山之岡嶺

嶺巖也羿嘗請藥西王母亦言其得道也羿一或作聖

赤水出東南隅以行其東北西南流注南海厭火東

河水出東北隅以行其北西南又入渤海又出海外即西

而北入禹所導積石山

禹治水復決疏出之故云導河積石

洋音翔水黑水出西北隅以東東行又東北南入海羽民

南

弱水青水出西南隅以東又北又西南過畢方鳥東

城西

傳烏弋國去長安萬五千餘里西行可百餘日至條枝
國臨西海長老傳聞有弱水西王母云東夷傳亦曰長
城外數千里亦有弱水皆所未見也淮南子云弱
水出窮石窮石今之西郡祁連山蓋其派別之源耳

崑崙南淵深三百仞

靈淵

開明獸身大類虎而九首皆人

面東嚮立崑崙上

天獸也銘曰開明為獸稟資乾精瞪視崑崙威振百靈

開明西有鳳凰鸞鳥皆戴蛇踐蛇膺有赤蛇

開明北有視肉珠樹文玉樹

五彩玉樹

玕琪樹

玕琪赤玉屬也吳天璽元

年臨海郡吏伍曜在海水際得石樹高二尺餘莖葉紫色詰曲傾靡有光彩即玉樹之類也于其兩音

不

死樹

言長生也

鳳凰鸞鳥皆戴敵

音戈敵也

又有離朱木禾栢樹

甘水

卽醴泉也

聖木

食之令人智聖也

曼兄

詳未

一曰挺木牙交

淮南作璇

樹璇玉類也

開明東有巫彭巫抵巫陽巫履巫凡巫相

昔神醫也世本曰巫彭作

醫楚詞曰帝告巫陽

夾竅竅之尸皆操不死之藥以距之

為距却死氣求

更生竅竅者蛇身人面貳負臣所殺也

服常樹其上有三頭人伺琅玕樹

服常木未詳琅玕子似珠爾雅曰西北之

美者有崑崙之琅玕馬莊周曰有人三頭

遞卧遞起以伺琅玕與玕琪子謂此人也

開明南有樹鳥六首蛟

蛟似蛇四脚龍類也

蝮蛇蝮蛇鳥秩樹

木名

未於表池樹木

言列樹以表池即華池也

誦鳥

鳥名形

鷦鷯

鷦鷯也穆天子傳曰爰

有白鷦青鷦視肉音竹荀之荀

山海經卷十一

山海經卷十二

晉 郭璞 註

海內北經

海內西北隅以東者

蛇巫之山上有人操杯而東向立一曰龜山

杯或作梧字同

西王母梯几而戴勝杖

梯謂憑也

其南有三青鳥為西王母取

食

又有三足鳥主給使

在崑崙虛北有人曰大行伯把戈其東有

犬封國

昔盤飢殺戎王高辛以美女妻之不可以訓乃浮之會稽東海中得三百里地封之生男為狗

女為美人是為狗封之國也

貳負之尸在大行伯東

犬封國曰犬戎國狀如犬

黃帝之後卞明生白犬二頭自相北牡遂為此國言狗國

也有一女子方跪進杯食

與酒食也

有文馬縞身

色白如縞

朱鬣

目若黃金名曰吉量

一作良

乘之壽千歲

周書曰犬戎文馬赤鬣白身目

若黃金名曰吉黃之乘成王時獻之六韜曰文身朱鬣眼若黃金項若雞尾名曰雞斯之乘大傳曰駁身朱鬣雞目山海經亦有吉黃之乘壽千歲者惟名有不

同說有小錯其實一物耳今博舉之以廣異聞也

鬼國在貳負之尸北為物人面而一目一曰貳負神在

其東人面蛇身

蚺犬

音陶或作蚺音鈎

如犬青食人從首始

窮竒狀如虎有翼

毛如蝟

食人從首始所食被髮在蚺犬

北一曰從足

帝堯臺帝嚳臺帝丹朱臺帝舜臺各二臺臺四方在崑

崙東北

此蓋天子巡狩所經過夷狄慕聖人恩德輒共為築立臺觀以標顯其遺跡也一本云所殺相

抑地腥臊不可種五穀以為衆帝之臺

大蠶其狀如蠡朱蛾其狀如蛾

蛾蚺蟬也是詞曰玄蜂如壺赤蛾如象謂此也

蟠其為人虎文脰有聲

言脚有膊腸也蟠音橋

在窮奇東一曰狀

如人崑崙虛北所有

此同上物事也

闕非人面而獸身青色

闕音揭

據北

一云據北

之尸其為人折頸被髮無一手

環狗其為人獸首人身一曰蝟狀如狗黃色

袂其為物人身黑首從目

袂即眈也

戎其為人人首三角

林氏國有珍獸大若虎五彩畢具尾長于身名曰騶吾

乘之日行千里

六韜云紂囚文王閔天之徒詣林氏國求得此獸獻之紂大悅乃釋之周書曰

夾林首耳首耳若虎尾參於身食虎豹大傳謂之侄獸吾宜作虞也

崑崙虛南所有汜林方三百里

從極之淵深三百仞維氷夷恒都焉

氷夷馮夷也淮南云馮夷得道以潛

大川即河伯也穆天子傳所謂河伯無夷者竹書作馮夷字或作氷也

氷夷人面乘兩龍

畫四面各乘一曰忠極之淵陽汙之山河出其中凌門

之山河出其中

昏河之枝源所出之處也

王子夜之尸兩手兩股胷首齒皆斷異處

北蓋形解而神連貌乖而

氣合合不為
密離不為疎

舜妻登比氏生宵明燭光

即二女字也以能光照因名云

處河大澤

澤河

邊溢漫處

二女之靈能照此所方百里

言二女神光所燭及者方百里

一曰

登比氏

蓋國在鉅燕南倭北倭屬燕

倭國在帶方東大海內以女為主其俗露紵衣服無

針功以丹朱塗身不妬忌一男子數十婦也

朝鮮在列陽東海北山南列陽屬燕

朝鮮今樂浪縣箕子所封也列亦水

名也今在帶方帶方有列口縣

列姑射在海河洲中

山名也山有神人河洲在海中河水所經者莊子所謂藐姑射之山

也

姑射國在海中屬列姑射西南山環之大蟹在海中

蓋千

里之蟹也

陵魚人面手足魚身在海中

大鰓居海中

鰓即魴也音鰓

明組

音祖

邑居海中

蓬萊山在海中

上有仙人宮室皆以金玉為之鳥獸盡白望之如雲在渤海中也

大人之市在海中

山海經卷十二

山海經卷十三

晉 郭璞 註

海內東經

海內東北陬以南者

鉅燕在東北陬

國在流沙中者瑱端璽喚

瑱音墩喚音喚或作藹腰

在崑崙虛東南

一曰海內之郡不為郡縣在流沙中

國在流沙外者大夏

大夏國城方二三百里分爲數十國地和溫宜五穀

豎沙居

繇月支之國

月支國多好馬美果有大尾羊如驢尾即羖羊也小月支天竺國皆附庸云繇音遙

西胡白玉山在大夏東蒼梧在白玉山西南皆在流沙

西崑崙虛東南崑崙山在西胡西皆在西北

地理志崑崙山在臨

羌西又有西

王母祠也

雷澤中有雷神龍身而人頭鼓其腹在吳西

今城陽有堯冢靈臺

雷澤在北也河圖曰大迹在

雷澤華胥履之而生伏羲

都州在海中一曰郁州

今在東海朐縣界世傳此山自蒼梧徙南徙來上皆有南方物

也郁
音鬱

琅琊臺在渤海間琅琊之東

今琅琊在海邊有山焦苑特起狀如高臺此即琅琊

臺也琅琊者越王勾踐入霸中國之所都

其北有山一曰在海間

韓鴈在海中都州南

始鵠在海中轅厲南

國名或曰鳥名也

會稽在大楚南岷三江首

大江出汶山

今江出汶山郡升遷縣岷山東南經蜀郡捷為至江陽東北經巴東建平宜都南郡

江夏弋陽安豐至廬江南界東北經淮南下邳至廣陵郡入海

北江出曼山南江出高

山高山在城都西入海在長州南

浙江出三天子都在其東

按地理志浙江出新安縣南鑿中東入海今錢塘浙江

是也點即歛也折音折

在閩西北入海餘暨南

餘暨縣屬會稽今為永興縣

廬江出三天子都入江彭澤西

彭澤今彭蠡也尋陽彭澤縣

一曰天

子鄣

淮水出餘山餘山在朝陽東義鄉西入海淮浦北

今淮水出

義陽平氏縣桐栢山山東北經汝南汝陰淮南
熊國下邳至廣陵縣入海朝陽縣今屬新野

湘水出舜葬東南陬西環之

環繞也今湘水出零陵入營道縣陽湖山入江

洞庭下

洞庭地穴也在長沙巴陵今吳縣南太湖中有包山下有洞庭穴道潛行水底云無所不通號

為地脉

一曰東南西澤

漢水出鮒魚之山

書曰岷冢導漢東流為漢按水經漢水出武都沮縣東狼谷經漢中魏興

至南鄉東經襄陽至江夏安陸縣入江別為沔水又為滄浪之水

帝顓頊葬于陽九嬪

葬于陰四蛇衛之

言有四蛇衛守山下

潏水出漢陽西入江聶陽西

漢陽縣屬朱提

溫水出崆峒山在臨汾南入河華陽北

今溫水在京北陰盤縣水常溫

也臨汾縣

屬平陽

潁水出少室少室山在雍氏南入淮西鄆北

今潁水出河南陽城

縣乾山東南經潁川汝陰至淮南下蔡入淮鄆今鄆陵縣屬潁川

一曰緱氏

縣屬河南音鈞

汝水出天息山在梁勉鄉西南入淮極西北

今汝水出南陽晉陽

縣大孟山東北至河南梁縣東南經襄城潁川汝南至汝陰褒信縣入淮淮極地名

一曰淮在期

思北

期思縣屬弋陽

涇水出長城北山山在郁郅長垣北

皆縣名也邳音極

北入渭

戲北

今涇水出安定朝那縣西筭頭山東南經新平扶風至京兆高陵縣入渭戲地名今新豐縣也

渭水出鳥鼠同穴山東注河入華陰北

鳥鼠同穴山今在隴西首陽縣

渭水出其東經南安天水畧陽扶風始平京兆弘農華陰縣入河

白水出蜀而東南注江

色微白濁今在梓潼白水縣源從臨洮之西西傾山來經沓中

東流通陰平至

入江州城下

江州縣屬巴郡

漢壽縣入沓

沅水山出象郡鍾城西

象郡今曰南也鍾城縣今屬武陵音尋

入東注江

入下雋西

下雋縣今屬長沙音昨充反

合洞庭中

水經曰沅水出牂牁且蘭縣又東北

至鍾城縣為沅水又東過臨沅縣南又東至長沙下雋縣

贛水出聶都東山

今贛水出南康南野縣西北音咸

東北注江入彭澤

西泗水出吳東北而南西南過湖陵西而東南注東海

入淮陰北

今泗水出魯國下縣西南至高平胡陸縣東南經沛國彭城下邳至臨淮下相縣入淮

潁水出象郡而西南注南海入潁陵東南

肄水出臨晉西南

音如肄習之肄

而東南注海入番禺西

番禺屬

南海越之
城下也

潢水出桂陽西北山東南注肄水入敷浦西

洛水出洛西山東北注河入成臯之西

書云導洛自熊耳按水經洛水

今出上洛冢嶺山東北經弘農至河南鞏縣入河成臯縣亦屬河南也

汾水出上窳北

音愈

而西南注河入皮氏南

今汾水出太原晉陽故汾

陽縣東南經晉陽西南經西河平陽
至河東汾陰入河皮氏縣屬平陽

沁水出井陘山東東南注河入懷東南

懷縣屬河內河內北有井陘山

濟水出其山南東丘

共與恭同

絕鉅鹿澤

絕猶裁度也鉅鹿今在高平

注

渤海入齊琅槐東北

今濟水自滎陽卷縣東經陳留至潛陰北東北至高平東北經濟南

至樂安博昌縣入海今碣石也諸水所出又與水經違錯以為凡山川或有同名而異實或同實而異名或一

實而數名似是而非似非而是且歷代久遠古今變易語有楚夏名號不同未得詳也

潦水出衛臯東

出塞外衛臯山玄菟高句驪縣有潦山小潦水所出西河注大潦音遼

東

南注渤海入潦陽

潦陽縣屬潦東

庫施水出晉陽城南而西至陽曲北而東注渤海

經河間樂

城東北注渤海也晉陽陽曲縣皆屬太原

入越章武北

章武郡名

漳水出山陽東東注渤海入章武南

新城汴陰縣亦有漳水

山海經卷十三

山海經卷十四

晉 郭璞 註

大荒東經

東海之外大壑

詩含神霧曰東注無底之谷謂此壑也離騷曰降王大壑

少昊之國

少昊金天氏帝喾之號也

少昊孺帝顓頊於此

孺義未詳

棄其琴瑟

言具壑中

有琴瑟也

有甘山者甘水出焉生甘淵

水積即成淵也

大荒東南隅有山名皮母地丘

東海之外大荒之中有山名曰大言日月所出有波谷

山者有大人之國

晉永嘉二年有鷩鳥集于始安縣南廿里之鷩陂中民周虎張得之木矢

貫之鐵鐵其長六尺有半以箭計之其射者人身應長一大五六尺也又平州別駕高會語云倭國人嘗行遭風吹度大海外見一國人皆長大餘形狀似胡蓋是長翟別種箭殆將役此國來也外傳曰焦僥人長三尺短之至也長者不過十大數之極也按河圖玉版曰從崑崙以西北九萬里得龍伯國人長三十丈生萬八千歲而死從崑崙以東得大秦人長十丈皆衣帛從此以東十萬里得佻人國長三十丈五尺從此以東十萬里得大秦國人長一丈穀梁傳曰長翟身橫九畝載其頭肩見於軾即長數丈人也秦時大人見臨洮身長五大腳跡六尺準斯以言則此大人之長短未可得限度也

有大人之市名曰大人之堂

亦山名形狀如堂室耳大人時集會其上作市肆也

有一大人踰其上張其兩耳

踰或作倭音古尊字莊子曰踰於會稽也

有小人國名靖人

詩含神霧曰東北極有人長九寸殆謂此小人也或作埜音同

有神

人面獸身名曰犁靄之尸

音靈

有瀟山楊水出焉

音如謫詐之謫

有為國黍食

言此國中惟有黍穀也為音口偽反

使四鳥虎豹熊羆

大荒之中有山名曰合虛日月所出有中容之國帝俊

生中容

俊亦舜字假借音也

中容人食獸木實

此國中有赤木玄木其華實美見呂

氏春使四鳥豹虎熊羆

有東口之山有君子之國其人衣冠帶劔

亦使虎豹好謙讓也

有司幽之國帝俊生晏龍晏龍生司幽司幽生思士不

妻思女不夫

言其人直思感而氣通無配合而生子此莊生所謂白鵠相視眸子不運而感風化

也之類食黍食獸是使四鳥有大阿之山者

大荒中有山名曰明星日月所出

有白民之國帝俊生帝鴻帝鴻生白民白民銷姓黍食

使四鳥虎豹熊羆

又有乘黃獸乘之以致青考也

有青丘之國有狐九尾

太平則出而為瑞也

有柔僕民是維羸土

之國

羸猶沃衍也音盈

有黑齒之國

齒如漆也

帝俊生黑齒

聖人神化無方

故其後世所降育多有殊類異狀之人諸言生者多謂其苗裔未必是親所產

姜姓黍食使四

鳥有夏州之國有蓋余之國有神人八首人面虎身十

尾名曰天吳

水伯

大荒之中有山名曰鞠陵于天

音菊

東極離瞿

三山名也音叔瞿

日月所出名曰折丹

神人

東方曰折

單吁

來風曰俊

未詳來風

所在處東極以出入風

言此人能節宣風氣時其出入

東海之渚中音島有神人面鳥身珥兩黃蛇以蛇貫耳踐兩黃

蛇名曰禺虢黃帝生禺驩禺驩生禺京即禺驩也禺京處北

海禺驩處東海是惟海神言公治一海而為神也驩一本作號

有招搖山融水出焉有國曰玄股自解以漆下如漆黍食使四鳥

有囷民國勾姓而食有人曰王亥兩手操鳥方食其頭

王亥託于有易河伯僕牛河伯僕牛皆人姓名託寄也見汝郡竹書有易殺

王亥取僕牛竹書曰殷王子亥賓于有易而淫焉有易之君綿臣殺而放之是故殷主甲微假師

于河伯以代有易滅之遂殺其君綿臣也河念有易有易潛出為國於獸方

食之名曰搖民

言有易本與河伯友善上甲微殷之賢王假師以義伐罪故河伯不得不助滅

之暨而哀念有易使得潛化而出化為搖民國

帝舜生戲戲生搖民海內有兩

人此乃有易

名曰女丑

即女丑之尸言其變化無常也然則一以涉化津而遷神域者

亦無往而不之觸感而寄迹矣范蠡之倫亦聞其風者也

女丑有大蟹

廣千里也

大荒之中有山名曰孽搖顓頊上有扶木柱三百里其

葉如芥

柱猶起高也葉似芥菜

有谷曰溫源谷

溫源即湯谷也

湯谷上有

扶木

扶桑在上

一日方至一日方出

言交會相代也

皆載于鳥

中有三足

鳥有神人面犬耳獸身珥兩青蛇名曰奢比尸有五彩

之鳥相鄉棄沙

未開沙義

惟帝俊下友

亦未開也

帝下兩壇彩鳥

是司

言山下有舜二壇五彩鳥主之

大荒之中有山名曰猗天蘇門日月所生有壘民之國

音如證詳之證

有綦山

音忌

又有揺山有鵠山

音如金既之既

又有門戶

山又有盛山又有待山有五彩之鳥

東荒之中有山名曰壑明俊疾日月所出有中容之國

東北海外又有三青馬三騅

馬蒼白雜毛為騅

甘華爰有遺玉

三青鳥三騅視肉

聚肉有眼

甘華甘祖百穀所生

言自生也

有女和月母之國有人名曰鳧音婉北方曰鳧來之風曰

狻

言亦有兩名也音剡

是處東極隅以止日月使無相間出沒司

其短長

言鳧主察日月出入不令得相間錯知景之長短

大荒東北隅中有山名曰凶犁土丘應龍處南極應龍有

異者穀蚩尤與夸父

蚩尤作兵者

不得復上

應龍遂住地下

故下數

旱

上無復作旱而者故也

旱而為應龍之狀乃得大雨

今之土龍木此氣應自然

冥感非人所能為也

東海中有流波山入海七千里其上有獸狀如牛蒼身

而無角一足出入水則必風雨其光如日月其聲如雷
其名曰夔黃帝得之以其皮為鼓楬以雷獸之骨

雷獸即雷

神也人面龍身鼓聲聞五百里以威天下其腹者楬猶擊也

山海經卷十四

山海經卷十五

晉 郭璞 註

大荒南經

南海之外赤水之西流沙之東

赤水出崑崙山流沙出鍾山也

有獸左

右有首名曰跂踦

出狹名國點惕兩音

有三青獸相并名曰雙雙

言體合為一也公羊傳所云雙雙而俱至者蓋謂此也

有阿山者南海之中有汜天之山赤水窮焉

流極於此山也

赤水之東有蒼梧之野舜與叔均之所葬也

叔均商均也舜巡狩

死于蒼梧而葬之商均因留死亦葬焉墓今在九疑之中

爰有文貝

即紫貝也

離俞

即離朱

鵠久

即鵠鵠也

鷹賈

賈亦鷹屬

委維

即委蛇也

熊羆象虎豹狼視肉

有榮山榮水出焉黑水之南有玄蛇食塵

今南方蚺蛇吞虎亦此類

有巫山者西有黃鳥帝藥八齋

天帝神仙藥在此也

黃鳥於巫山

司此玄蛇

言主之也

大荒之中有不庭之山榮水窮焉有人三身帝俊妻娥

皇生此三身之國

蓋後裔所出也

姚姓黍食使四鳥

姚舜姓也

有淵

四方四隅皆達

言淵四角皆旁通也

北屬黑水南屬大荒

屬猶北連也

旁名曰少和之淵南旁名曰役淵

音曉馬之曉

舜之所浴也

言舜嘗在此

中澡浴也

又有成山甘水窮焉

甘水出甘山極北中也

有季禺之國顓頊之

子食黍

言此國人顓頊之裔子也

有羽民之國其民皆生毛羽有卵

民之國其民皆生卵

即卵生也

大荒之中有不姜之山黑水窮焉

黑水出崑崙山

又有賈山汜

水出焉又有言山又有登備之山

即登葆山羣巫所從上下者也

有憇憇之山

音如券契之契

又有蒲山澧

音禮

水出焉又有隗山

音如隗器之隗

其西有丹其東有玉又南有山漂水出焉

音栗

有

尾山有翠山

言此山有翠鳥也

有盈民之國於姓黍食又有人方食木葉

有不死之國阿姓甘木是食

甘木即不死樹食之不老

大荒之中有山名曰去瘞南極果北不成去瘞果

音如風瘞

之瘞未詳

南海渚中有神人面珥兩青蛇踐兩赤蛇曰不廷胡余

神名有神名曰因因乎南方曰因乎夸風曰乎民亦有二名

處南極以出入風

有襄山又有重陰之山有人食獸曰季釐帝俊生季釐

故曰季釐之國有緡淵音昏少昊生倍伐倍伐降處緡淵

有水四方名曰俊壇水狀似王壇因名舜壇也

有載民之國為人黃色帝舜生無淫降載處是謂巫載民巫

載民盼姓食穀不積不經服也言自然有布帛也不稼不穡食

也言五穀自生也種之為稼收之為穡爰有歌舞之鳥鸞鳥自歌鳳鳥自

舞爰有百獸相羣爰處百穀所聚

大荒之中有山名曰融天海水南入焉有人曰鑿齒羿

殺之

射殺之也

有域山者有域民之國

音感

桑姓食黍射域是食

域短狐也似鼯

舍沙射人中之則病死此山出之亦以名云

有人方扞弓射黃蛇

扞挽也音紆

名

曰域人

有宋山者有赤蛇名曰育蛇有木生山上名曰楓木楓

木蚩尤所棄其桎梏

蚩尤為黃帝所得械而殺之已摘棄其械化而為樹也

是謂

楓木

即今楓香樹

有人方齒虎尾名曰祖狀之尸

音如祖梨之祖

有小人名曰焦僥之國

皆長三尺

幾姓嘉穀是食

大荒之中有山名乃塗之山

音朽

青水窮焉

青水出崑崙

有雲

雨之山有木名曰欒禹攻雲雨

攻謂槎伐其林木

有赤石焉生

藥

言山有精靈復變生此木於赤石之上

黃木赤枝青葉羣帝焉取藥

言樹

花實皆

為神藥

有國曰顓頊生伯服食黍有魑姓之國

音如樛柚之柚

有茗山

又有宗山又有姓山又有壑山又有陳州山又有東州

山又有白水山白水出焉而生白淵昆吾之師所浴也

昆吾古王者號音義曰昆吾山名谿水內出善金二文有異莫知所辨測有人名曰張弘在

海上捕魚海中有張弘之國或曰即奇肱人疑非食魚使四鳥有

人焉鳥喙有翼方捕魚於海

大荒之中有人名曰驩頭鰥妻士敬士敬子曰炎融生

驩頭驩頭人面鳥喙有翼食海中魚杖翼而行翅不可以飛倚

杖之用行而已維宜芑芑穆楊是食管子說地所宜云其種穆芑黑黍香禾類也芑黑黍

今字作木旁起艮此三音有驩頭之國

帝堯帝嚳帝舜葬於岳山

即狄山也

爰有文貝離俞鵠久鷹

賈延維視肉熊羆虎豹朱木赤枝青華玄實有中山者

大荒之中有山名曰天臺高山海水入焉

東南海之外甘水之間有義和之國有女子名曰義和

方日浴於甘淵

義和蓋天地始生主日月者也故啟筮曰空桑之蒼蒼八極之既張乃有夫義

和是主日月職出入以為晦明又曰膽彼上有一明一晦有夫義和之子出于陽谷故堯因此而立義和之官以主四時其後世遂為此國作日月之象而掌之沐浴運轉之於甘水中以効其出入湯谷虞淵也所謂世不失職

耳義和者帝俊之妻生十日

言生十子各以日名名之故言生十日數十也

有蓋猶之山者其上有甘祖枝幹皆赤黃葉白華黑實
東又有甘華枝幹皆赤黃葉有青馬有赤馬名曰三騅
有視肉有小人名曰菌人音如朝有南類之山爰有遺
玉青馬三騅視肉甘華百穀所在

山海經卷十五

山海經卷十六

晉 郭璞 註

大荒西經

西北海之外大荒之隅有山而不合名曰不周負子淮南

子曰昔者共工與顓頊爭帝怒而觸不周之有兩黃獸山天維絕地柱折故今此山缺壞不周匝也

守之有水曰寒暑之水水西有濕山水東有幕山音莫有

禹攻共工國山

言攻其國殺其臣相柳於此山
啟筮曰共工人面蛇身朱髮也

有國名曰淑士顓頊之子

言亦出自高陽氏也

有神十人名曰女

媧之腸

或作女媧之腹

化為神處栗廣之野

女媧古神女而帝者人面蛇身一日

中七十變其腹化為此神栗廣野名媧音瓜

橫道而處

言斷道也

有人名曰石夷

來風曰韋

來或作本也

處西北隅以司日月之長短

言察日月晷度

之有五彩之鳥有冠名曰狂鳥

爾雅云狂鳥即此也

有大澤之

長山有白氏之國

西北海之外赤水之東有長脰之國

脚長三大

有西周之國

姬姓食穀有人方耕名曰叔均帝俊生后稷

俊宜為馨馨第

二妃生稷也

稷降以百穀稷之弟曰台音生叔均叔均是

代其父及稷播百穀始作耕有赤國妻氏有雙山

西海之外大荒之中有方山者上有青樹名曰柜格之

松

木名音矩

日月所出入也

西北海之外赤水之西有先民之國食穀使四鳥有北

狄之國黃帝之孫曰始均始均生北狄有芒山有桂山

有搖山

此山多桂及搖木因名云耳

其上有人號曰太子長琴顓頊

生老童

世本云顓頊娶于滕殯氏謂之女祿產老童也

老童生祝融

即童黎也高辛氏火

正號曰祝融生太子長琴是處嵯山始作樂風創制樂風曲也

有五彩鳥三名一曰皇鳥一曰鸞鳥一曰鳳鳥有蟲狀

如菟胷以後者裸不見言皮色青故不見其裸露處青如鰻狀狀又似鰻

大荒之中有山名曰豐沮玉門日月所入有靈山巫咸

巫即巫盼巫彭巫姑巫真巫禮巫抵巫謝巫羅十巫從

此升降百藥爰在羣巫上下此山采之也

西有王母之山壑山海山皆羣大靈之山有沃之國言其土沃饒沃也

民是處沃之野鳳鳥之卵是食甘露是飲凡其所欲其

味盡存

此言其所願滋味無所不備

爰有甘華甘祖白柳視肉三騅

琬瑰瑤碧

琬瑰亦玉名穆天子傳曰扶斯瑤瑰枚回二音

白木琅玕

樹色正白今南方有

文木亦黑木也

白丹青丹

又有黑丹也孝經援神契曰王者德至山陵而黑丹出然則丹者別是彩

名亦猶黑白黃皆云丹也

多銀鐵鸞鳥自歌鳳鳥自舞爰有百獸相

羣是處是謂沃之野有三青鳥赤首黑目一名曰大鸞

一名少鸞

音黎

一名曰青鳥

皆西王母所使也

有軒轅之臺射者

不敢西嚮射畏軒轅之臺

散難黃帝之神

大荒之中有龍山日月所入有三澤水名曰三淖昆吾

之所食也

穆天子傳曰滹水獨穆氏之所食亦此類也

有人衣青以袂蔽面

袂名曰女丑之尸有女子之國

王頤至沃沮國盡東界間其耆老曰國人常乘

船捕魚遭風見吹數十日東一國在天海中純女無男即此國也

有桃山有童山有桂山有于土山有丈夫之國

其國無婦人也

有弇州之山五彩之鳥仰天

張口噬天

名曰鳴鳥爰有百樂

歌儻之風

爰有百種伎樂歌儻風曲

有軒轅之國

其人人面蛇身

江山之南

棲為吉

即窮山之際也山居為棲吉者言無凶天

不壽者八百歲

壽者數千里

西海渚中有神人面鳥身珥兩青蛇踐兩赤蛇名曰弇

茲

大荒之中有山名曰日月山天樞也吳姬天門日月所

入有神人面無臂兩足反屬於頭上名曰噓言噓啼也顓頊

生老童老童生重及黎世本云老童娶于根水氏謂之驕禍產重及黎帝令重

獻上天令黎叩下地古者人神雜擾無別顓頊乃命南正重司天以屬神命大正黎司地

以屬民重實上天黎實下地下地是生噓處於西極以行日

月星辰之行次土察日月星辰之度數次舍也

有人反臂名曰天虞即尸有女子方浴月帝俊妻常羲

生月十有二此始浴之

義與義和浴日同

有玄丹之山

出黑丹也

有

五色之鳥人面有髮爰有青鵞

音文

黃鵞

音救

青鳥黃鳥其

所集者其國亡有池名孟翼之攻顓頊之池

孟翼人姓名

大荒之中有山名曰鑿鑿鉅

鑿音如救

日月所入者有獸左

右有首名曰屏蓬

即并封也語有輕重耳

有巫山者有壑山者有

金門之山有人名曰黃姬之尸有比翼之鳥有白鳥青

翼黃尾玄喙

音鳥

有赤犬名曰天犬其所下者有兵

周書云天

狗所止地盡傾餘光燭天為流星長十數丈其疾如風其聲如雷其光如電吳楚七國反時吹過梁國者是也

西海之南流沙之濱赤水之後黑水之前有大山名曰

崑崙之丘有神人面虎身有文有尾皆白處之

言其尾以白為

駝其下有弱水之淵環之

其水不勝鴻毛

其外有炎火之山投

物輒然

今去扶南東萬里有著薄國東復五千里許有火山國其山雖霖雨火常然火中有白鼠時出

山邊求食人捕得之以毛作布今之火澣布是也即此山之類

有人戴勝虎齒有豹尾

穴虎名曰西王母

河圖玉版亦曰西王母居崑崙之山西山經曰西王母居玉山穆天子傳

曰乃紀名迹于弇山之石曰西王母之山也然則西王母雖以崑崙之宮亦自有離宮別窟遊息之處不專住

一山也故記事者各舉所見而言之

此山萬物盡有

大荒之中有山名曰常陽之山日月所入

有寒荒之國有二人女祭女蔑

或持暉或持俎

有壽麻之國

呂氏春秋曰而服壽麻北懷關耳

南嶽娶州山女名曰女虔女虔生季格季格生壽麻壽

麻正立無景疾呼無嚮

言其稟形氣有異於人也列仙傳曰玄俗無景

爰有大

暑不可以往

言然炎殺人也

有人無首操戈盾立名曰夏耕之

尸

亦行天尸之類

故成湯伐夏桀于章山克之

于章山名

斬耕殿前

頭亦在耕既立無首走厥咎

逃避罪也

乃降于巫山

自竄于巫山巫

山今在建
平亞縣

有人名曰吳回奇左是無右臂

即奇左也吳同祝融弟亦為火正也

有益山之國有樹赤皮支幹青葉名曰朱木

或作朱咸木也

有一臂民

北極下亦有一脚人見河圖玉版

大荒之中有山名曰大荒之山日月所入有人焉三面

是顓頊之子三面一臂

無左臂也

三面之人不死

言人頭三邊各有面

也玄菟太守王頎至沃沮國問其耆老云復有一破船
隨波出在海岬邊上有一人項中復有面與語不解了
不食而死此是兩面人也呂氏春秋曰一臂三面之鄉也
是謂大荒之野

西南海之外赤水之南流沙之西有人珥兩青蛇乘兩

龍名曰夏后開開上三嬪于天

嬪婦也言獻美女子于天帝

得九辯與

九歌以下

皆天帝樂名也開登天而竊以下用之也開筮曰昔彼九冥是與帝辯同官之序是為九

歌又曰不得竊辯與九歌以國于下義具見于歸藏

此天穆之野高二千仞

竹書曰

項產伯鯨是維居陽居天穆之陽也

開焉得始歌九招

竹書曰夏后開舞九招也

有互人之國

人面魚身

炎帝之孫

炎帝神農

名曰靈慙

音如春契之契

靈

慙生互人是能上下于天

言能乘雲雨也

有魚偏枯名曰魚婦

顓頊死即復蘇

言其人能變化也

風道北來天乃大水泉

言泉水得

風暴溢出道猶從也韓非蛇乃化為魚是謂魚婦顓頊
曰玄鵠二八道南方而來

死即復蘇

淮南子曰后稷龍在建水西其
人死復蘇其中為魚蓋謂此也

有青鳥身黃

赤足六首名曰觸鳥音觸有大巫山有金之山西南大荒
之中隅有徧勾常羊之山

按夏后開即啟避漢景帝諱云

山海經卷十六

山海經卷十七

晉 郭璞 註

大荒北經

東北海之外大荒之中河水之間附禺之山帝顓頊與

九嬪葬焉

此皆殊俗義所作家

爰有鵠久文貝離俞鸞鳥鳳鳥大

物小物

言備有也

有青鳥琅鳥玄鳥黃鳥虎豹熊羆黃蛇視

肉璿瑰瑤碧皆出衛於山

在其山邊也

丘方圓三百里丘南

帝俊竹林在焉大可為舟

言舜林中竹一節則可以為船也

竹南有赤

澤水

水色赤也

名曰封淵

封亦大也

有三桑無枝

皆高百仞

丘西有沉

淵顓頊所浴

有胡不與之國

一國復名耳今胡夷語皆通然

烈姓黍食

大荒之中有山名曰不咸有肅慎氏之國

今肅慎國去遼東三千餘

里穴居無衣衣皮衣冬以膏塗體厚數分用却風寒其人皆工射弓長四尺勁彊箭以楷為之長尺五寸青石為鏑此春秋時雋集陳侯之庭所得矢也晉大興三年平州刺史崔蒞遣別駕高會使來獻肅慎氏之弓矢箭鐵有侶銅骨作者問云轉與海內國通得用此今名之為挹婁國出好鉛赤玉豈從海外轉而至此乎後漢書

所謂抱妻者是也

有蜚蛭四翼

蜚蛭兩音

有蟲獸首蛇身名曰琴蟲

亦蛇類也

有人名曰大人有大人之國釐姓黍食有大青蛇

黃頭食塵

今南方蚺蛇食虎虎亦塵屬也

有榆山有鯨攻程州之山

皆因

其事而名物也

大荒之中有山名曰衡天有先民之山有槃木千里

音盤

有叔歎國

音作感反一音觸

顓頊之子黍食使四鳥虎豹熊羆

有黑蟲如熊狀名曰狢狢

或作獨音夕同

有北齊之國姜姓使

虎豹熊羆

大荒之中有山名曰先檻大逢之山河濟所入海北注

馬

河濟注海已復出海外入此山中也

其西有山名曰禹所積石有陽山

者有順山者順水出焉

有始州之國有丹山

此山純出丹朱也竹書曰和甲西征得一丹山今所在亦有丹山丹

出土

穴中

有大澤方千里羣鳥所解

穆天子傳曰北至廣原之野飛鳥所解其羽乃於此獵鳥

獸絕羣載羽百車竹書亦曰穆王北征行流沙千里積羽千里皆謂此澤也

有毛民之國

其人

面體皆生毛

依姓食黍使四鳥禹生均國均國生役采

采一作來

役采生修輅

音如單裕之裕

修輅殺綽人

人名

帝念之潛為之國

潛密用之為國

是此毛民

有僖耳之國任姓

其人耳大下僖垂在肩上朱崖僖耳鑊盡其耳亦以放之也

禺號

子食穀北海之渚中

言在海島中種粟給食謂禺彊也

有神人面鳥身

珥兩青蛇踐兩赤蛇名曰禺彊

大荒之中有山名曰北極天櫃

音匱

海水北注焉有神九

首人面鳥身名曰九鳳又有神銜蛇操蛇其狀虎首人

身四蹄長肘名曰彊良

亦在禺彊中

大荒之中有山名曰成都載天有人珥兩黃蛇把兩黃

蛇名曰夸父后土生信信生夸父夸父不量力欲追日

景逮之於禺谷

禺淵日所入也今作虞

將飲河而不足也將走大

澤未至死于此

渴死

應龍已殺蚩尤又殺夸父

上云夸父不量力與

日競而死今此復云為應龍所殺死無定乃去南方處名觸事而寄明其變化無方不可揆測

之故南方多雨

言龍水物以類相感故也

又有無腸之國是任姓人

長無繼子食魚

繼亦當作膾謂膾膾也

共工臣名曰相繇

相柳也語轉聲

耳九首蛇身自環

言轉旋也

食于九土

言貪殘也

其所歆所尼

歆嘔

猶噴吒尼止也

即為源澤

言多氣力

不幸乃苦

言氣酷烈

百獸莫能處

言畏

之禹湮洪水殺相繇

禹塞洪水由以溺殺之也

其血腥臭不可生穀

其地多水不可居也

言其膏血滂流成淵水也

禹湮之三仞三沮

言禹

以土塞之乃以為池羣帝是因以為臺

地下宜積土故衆帝因來在此

其作臺

在崑崙之北有岳之山尋竹生焉

尋大竹名

大荒之中有山名曰不旬海水入焉有係昆之山者有

共工之臺射者不敢北嚮

言畏之也

有人衣青衣名曰黃帝

女魃

音如旱魃之魃

蚩尤作兵伐黃帝黃帝乃令應龍攻之冀

州之野

冀州中土也黃帝亦教虎豹熊羆以與
炎帝戰于阪泉之野而滅之見史記

應龍畜

水蚩尤請風伯雨師縱大風雨黃帝乃下天女曰魃雨

止遂殺蚩尤魃不得復上所居不雨

旱氣在也

叔均言之帝

後置之赤水之北

遠徙之也

叔均乃為田祖

主田之官詩云田祖有神

魃

時亡之

畏見逐也

所欲逐之者令曰神北行

向水位也

先除水道

決通溝瀆

言逐之必得雨故見先除水道今之逐魃是也

有人方食魚名曰深目民之國盼姓食魚

亦胡類但眼絕深黃帝時

也姓

有鍾山者有女子衣青衣名曰赤水女子獻

神女也

大荒之中有山名曰融父山順水入焉有人名曰大戎

黃帝生苗龍苗龍生融吾融吾生弄

一作卡

明弄明生白

犬白犬有牝牡

言自相配合也

是為大戎肉食有赤獸馬狀無

首名曰戎宣王尸

犬戎之神名也

有山名曰齊州之山君山鵲山

音潛

鮮野山魚山有人一

目當面中生一曰是威姓少昊之子食黍有繼無民維

無民任姓無骨子食氣魚

言有無骨人也尸子曰徐偃王有筋無骨

西北海外流沙之東有國曰中輻顙項之子食黍有國
名曰賴丘有犬戎國有神人面獸身名曰犬戎

西北海外黑水之北有人有翼名曰苗民

三苗之民

顙項生

驩頭驩頭生苗民苗民釐姓食肉有山名曰章山

大荒之中有衡石山九陰山洞野之山上有赤樹青葉

赤華名曰若木

生崑崙西附西極其華光赤下照地

有牛黎之國有人無

骨儋耳之子

儋耳人生無骨子也

西北海之外赤水之北有章尾山有神人面蛇身而赤

身長直目正乘

直目目從也
正乘未聞

其瞑乃晦其視乃明

言視為晝

眠為夜也

不食不寢不息風雨是謁

言能請致風雨

是燭九陰

照九陰之

幽隱

是謂燭龍

離騷曰日安不到燭龍何耀詩含神霧曰天不足西北無有陰陽消息故有龍

銜精以往照天門中云淮南子曰蔽于委羽之山不見天日也

山海經卷十七

山海經卷十八

晉 郭璞 註

海內經

東海之內北海之隅有國名曰朝鮮天毒其人水居

朝鮮

今樂浪郡也天毒即天竺國貴道德有文書金銀錢貨浮屠出此國中也晉大興四年天竺胡王獻金寶

人愛之

佞亦愛也音隱隈反

西海之內流沙之中有國名曰壑市

音郝

西海之內流沙之西有國名曰氾葉

音如氾
濫之氾

流沙之西有鳥山者三水出焉

三水同出一山也

爰有黃金璿

瑰丹貨銀鐵皆流于此中

言其中有雜
珍奇寶也

又有淮山好水

出焉

流沙之東黑水之西有朝雲之國司穰之國黃帝妻雷

祖生昌意

世本云黃帝娶于西陵氏之
子謂之累祖產青陽及昌意

昌意降處若水

生韓流

竹書云昌意降居若水產帝乾
荒乾荒即韓流也生帝顓頊

韓流擢首謹耳

擢首長咽謹耳未聞人面豕喙麟身渠股

渠車輜言跽脚也
大傳曰大如車渠

豚止

止取淖子曰阿女生帝顓頊

世本云顓頊母濁山氏之子名昌僕

流沙之東黑水之間有山名不死之山

即員丘也

華山青水

之東有山名曰肇山有人名曰柏高

柏子高仙者也

柏高上下

於此至于天

言翔翔雲天往來此山也

西南黑水之間有都廣之野后稷葬焉

其城方三百里蓋天下之中素

女所出也離騷曰絕都廣野而直指號

爰有膏菽膏稻膏黍膏稷

言味好甘滑如

膏外傳曰膏菜之子菽豆菜栗也

百穀自生冬夏播琴

播琴猶播殖方俗言耳

鸞

鳥自歌鳳鳥自舞靈壽實華

靈壽木名也似竹有枝節

草木所聚

在此

也素植爰有百獸相羣爰處於此此草也冬夏不死

南海之內黑水青水之間有木名曰若木樹赤華青若水出

焉有禺中之國有列震之國有靈山有赤蛇在木上名

曰蜺蛇木食

言不食禽獸也音如夷弱之夷

有鹽長之國有人焉鳥首名曰鳥氏

今佛書中有此人即鳥夷也

有九丘以水絡之

絡猶繞也

名曰陶唐之丘

陶唐堯號

有叔得之

丘孟盈之丘昆吾之丘

此山出名金也尸子曰昆吾之金

黑白之丘赤

望之丘參衛之丘武夫之丘

此山出美石

神民之丘

言上有神人

有木青葉紫莖玄華黃實名曰建木百仞無枝有九櫨

根回曲也音

下有九栲

根盤錯也淮南子曰木大則根擢音幼

其實如麻

如斤斲之斲

似麻子也

其葉如芒

芒木似棠梨也

太皞爰過

言庖羲於此經過也

黃帝所為

言治護之也

有窳窳龍首是食人

在弱水中

有青獸人面名曰猩

猩

言能

西南有巴國

今三巴是

大皞生咸鳥咸鳥生乘釐乘釐生後

照後照是始為巴人

為之始祖

有國名曰流黃辛氏

卽鄆氏也

域中方三百里其出是塵土

言殷盛也

有巴遂山澠水出焉

又有朱卷之國有黑蛇青首食象

即巴蛇也

南方有賴巨人

即泉陽人也音感

人面長臂黑身有毛反踵見人

笑亦笑唇蔽其面因即逃也又有黑人虎首鳥足兩手

持蛇方啗之

有羸民鳥足

音盈

有封豕

大猪也豸射殺之

有人曰苗民

三苗民也

有

神馬人首蛇身長如轅

大如車轂澤神也

左右有首

岐頭

衣紫衣

冠旃冠名曰延維

委蛇

人主得而饗食之伯天下

齊桓公出田於

大澤見之遂霸諸侯亦見莊周作朱冠

有鸞鳥自歌鳳鳥自舞鳳鳥首文

曰德翼文曰順膺文曰仁背文曰義見則天下和

言和平也

又有青獸如菟名曰菌狗

音如朝菌之菌

有翠鳥有孔鳥

孔雀也

南海之內有衡山

南嶽

有菌山

音芝菌之菌

有桂山

或云衡山有菌桂桂

員似竹見本草

有山名三天子之都

一本三天子之郭山

南方蒼梧之丘蒼梧之淵其中有九嶷

音疑

山舜之所葬

在長沙零陵界中

山今在零陵營道縣南其山九谿皆相似故云九嶷古者總名其地為蒼

梧北海之內有蛇山者蛇水出焉東入于海有五彩之

鳥飛蔽一鄉

漢宣帝元康元年五色鳥以萬數過蜀都即此鳥也

名曰翳鳥

鳳屬也

騷曰駒玉此而乘弱

又有不距之山巧倭葬其西

倭克巧工也音瑞

北海之內有反縛盜械帶戈常倍之佐名曰相顧之尸

亦貳負臣危之類

伯夷父生西岳西岳生先龍先龍是始生氏

羌氏羌乞姓

伯夷父顓頊師今氏羌其苗裔也

北海之內有山名曰幽都之山黑水出焉其上有玄鳥

玄蛇玄豹玄虎

黑虎名儵見爾雅

玄狐蓬尾

蓬叢也阻留反說苑曰蓬狐文豹之

皮有大玄之山有玄丘之民

言丘上人

有大幽之國

即幽

民也穴居無衣

有赤脰之民

脰已下正赤色

有釘靈之國其民從膝已下有毛馬蹄善走

詩含神霧曰馬蹄自

鞭其蹄曰行三百里

炎帝之孫伯陵伯陵同吳權之妻阿女緣婦

同猶通言淫之也吳

權人緣婦孕三年

孕懷身也

是生鼓延父始為侯

三子名也吳音殊

鼓延是始為鐘

世本云母句作鑿倭作鐘

為樂風

作樂之曲制

黃帝生駱明駱明生白馬白馬是為鯨

即禹父也世本曰黃帝生昌意

昌意生顓頊顓頊生鯨

帝俊生禺號禺號生淫梁淫梁生番禺是

始為舟

世本云共鼓貨狄作舟

番禺生奚仲奚仲生吉光吉光是

始以木為車

世本云吳仲作車此言吉光明其父子共創作意是以互稱之

少皞生般

音班

般是始為弓矢

世本云牟夷作矢揮作弓弓矢一器作者兩人於義

有疑此言般之作是

帝俊賜羿彤弓素矰

彤弓朱弓矰矢名以白羽羽之外傳白羽之矰

望之如茶也

以扶下國

言令羿以射道除患扶助下國

羿是始去恤下地之

百艱

言射殺盤齒封豕之屬也有窮后羿慕羿射故號此名也

帝俊生晏龍晏龍是

為琴瑟

世本云伏羲作琴神農作瑟

帝俊有子八人是始為歌舞帝

俊生三身三身生義均義均是始為巧倕是始作下民

百巧后稷是播百穀稷之孫曰叔均是始作牛耕

始用牛犂

大比赤陰

或作音

是始為國

得封為國

禹鯀是始布土均定九

州

布猶敷也書曰禹敷土定高山大川

炎帝之妻赤水之子聽訖生炎居

炎居生節並節並生戲器戲器生祝融

祝融高辛氏火正號祝融

祝融

降處于江水生共工共工生術器術器首方顛

頭頂也

是

復土穰以處江水

復祝融之所也

共工生后土后土生噎鳴噎

鳴生歲十有二

生十二子皆以歲名名之故云然

洪水滔天

滔漫也

鯀竊

帝之息壤以堙洪水

息壤者言王自長息無限故可以塞洪水也開筮曰滔滔洪水無所

止極伯鯀乃以息石息壤以填洪水漢元帝時臨淮徐縣地踊長五六里高二丈即息壤之類也

不待

帝命帝令祝融殺鯀于羽郊

羽山

鯀復生禹

開筮曰

鯀死三歲不

腐剖之以吳刀化為黃龍也

帝乃命禹卒布土以定九州

鯀績用不成故復命

禹終其功

山海經卷十八

謹案卷六第三頁前八行鑿齒持盾刊本省訛眉
今改

卷七第一頁後一行羽葆幢也刊本幢訛幃今改
卷八第三頁後七行有兩山夾上谷刊本有訛在
據廣注改

卷九第一頁後八行大荒東經作十尾刊本作訛
東今改

第二頁後一行為人黑首刊本首訛手據廣注改

卷十一第一頁前七行桎械也刊本械訛戒今改
卷十二第三頁前三行崑崙虛南所有汜林刊本
所有二字倒置據廣注改

第四頁前一行莊子所謂藐姑射之山也刊本莊
訛箕今改

卷十三第四頁前四行沅水山按廣注無山字疑
衍

卷十四第二頁前八行假借音也刊本借訛借今

改

第五頁前八行東海中有流波山刊本海訛北據

廣注改

卷十五第一頁後四行今南方蚶蛇吞鹿刊本方

蚶訛山蛭吞訛蚕據廣注改

卷十六第二頁前一行稷降以百穀刊本稷訛魏

據廣注改

第四頁前三行兩足反屬於頭上刊本屬訛尾上

訛山據廣注改

第四頁後一行義與義和浴日同刊本義訛義同
訛司今改

第六頁後四行此天穆之野刊本天穆二字倒置
據廣注改

卷十七第一頁後七行隼集陳侯之庭刊本隼訛
集今改

卷十八第三頁前二行木大則根權刊本木大字

倒置據淮南子改

第五頁後一行其父子刊本子訛平據廣注改





總校官庶吉士臣張能照
校對官庶吉士臣嚴福
勝錄監生臣陸學稼